

## Via panoramica Somtgant - Radons - Savognin

### Da Savognin a Somtgant cun la sutgera (2 secziuns)

#### Proposta da Joachim Wasescha

A Somtgant (2117 m) cumenza noss'excursiun d'enviern. Ina via da naiv bain preparada maina sur Crap Farreras tar l'alp Naladas pli tard tar las acias da Tigia enfin Radons (1870 m). La regiun da Radons è in'impurtanta part dal territori da skis da Savognin. Qua datti er trais ustarias nua ch'ins po dustar fom e said. Suentar ina buna pausa cuntinuescha il viadi sur Malmigiucr - Fotgs enfin Savognin (1180 m)

<b>Distanza</b>	ca. 14 km
<b>Differenza d'atezza</b>	ensi ca. 100 m, engiu ca. 1050 m
<b>Temp</b>	ca. 4 uras

#### Variantas:

A pe mo enfin Radons (5 km, 300m engiu, 1 ½ uras) e suenter cun il Snowliner a Tignas e cun la sutgera a Savognin

Da Radons enfin Tignas a pe (4.5 km, 1 ¼ uras, 320 m engiu) e suenter cun la sutgera a Savognin

L'entir tratg da Somtgant enfin Savognin ins po er far bain cun ina scarsola, tranteren èsi però tocs tg'ins sto ir a pe.

Betg d'emblidar è vestgadira adequata, chalzers d'enviern, egliers da sulegl ed insatge da baiver e mangiar.







